



Broj: 01-318/13  
Vareš, 28.11. 2013. godine

**Z A P I S N I K**  
*s 12. sjednice Općinskog vijeća Vareš,  
održane 29.10. 2013. godine*

Zdravko Marošević – predsjedavajući Općinskog vijeća Vareš, otvorio je 12. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ismet Abdulahović, Boško Andrić, Zdravko Barkić, Mahira Brkić, Tajiba Brkić, Almir Ciriković, Asmir Čizmo, Zdenko Franjić, Emir Islamović, Kenan Kamenjaš, Demo Kevrić, Zdravko Marošević, Mario Mirčić, Safeta Muftić, Mato Pavić, Elvir Rožajac, Jasmin Salketić, Goran Selak i Nikola Šimić.

**Odsutni** – Nema.

Pored vijećnika sjednici prisustvuju: Općinski načelnik – Avdija Kovačević, sekretar Općinskog vijeća - Leon Pavlović, pomoćnici općinskog načelnika, ispred Službe za privredu i finansije – Jadranka Radoš i Dragan Orozović, poslanik u Skupštini ZDK – Fahrudin Brkić, predsjednici političkih stranaka i direktorica Porezne uprave – Fahra Čatović.

Sekretar OV Leon Pavlović izvijestio je Vijeće o realizaciji Zaključaka sa 11. sjednice OV održane 26.09.2013. godine. Na 11. sjednici OV doneseno je pet (5) Zaključaka i svi su u toku realizacije. Postavljena su četiri (4) vijećnička pitanja. Na dva (2) vijećnička pitanja, nadležni su dostavili pismeni odgovor, a na dva (2) vijećnička pitanja dat je usmeni odgovor u toku 11. sjednice.

Općinski načelnik Avdija Kovačević u okviru aktualne problematike na području općine Vareš za današnju sjednicu nije imao obraćanja.

*(Vijećnička pitanja)*

**Demo Kevrić**

Nije zadovoljan usmenim odgovorom koji je dobio na postavljeno vijećničko pitanje na 11. sjednici OV u vezi saniranja dijela puta Striježevo-Kokošćici o čemu je dao i obrazloženje.

1. Traži da mu se za 13. sjednicu Vijeća, dostavi pismeni odgovor na postavljeno vijećničko pitanje na 11. sjednici OV, a koje se odnosi na sanaciju dijela puta Striježevo-Kokošičići?

#### **Emir Islamović**

2. Ispred mještana MZ Budoželje, traži od nadležne Službe odgovor da li je voda na MZ Budoželje ispravna, jer je u proteklom periodu uzet nalaz iz OŠ „Budoželje“ gdje voda nije ispravna za piće?

#### **Safeta Muftić**

3. Šta je stvarni razlog što se sjednice Kolegija OV održavaju u kantini općinske zgrade? O postavljenom pitanja dala je i pojašnjenje. Pitanje upućeno Općinskom načelniku.

#### **Elvir Rožajac**

4. Ispred građana ulice Franjići postavio je pitanje: Zašto nije dovršen i da li će se nastaviti izgradnja puta koji je započet-pripremljen u ulici Franjići?
5. Traži od nadležnih ponovno postavljenje „ležećeg policajca“ u ulici Zvijezda (kod pekare MPM)?

#### **Mahira Brkić**

6. Koliko često se vrši analiza vode za piće u MZ Budoželje i koliko je tačna informacija da je rezultat posljednje mikrobiološke i fizičko-hemijske analize vode pokazao da voda nije ispravna, odnosno da nije za piće zbog nedozvoljenog prisustva bakterije? Ukoliko je informacija tačna, zašto JKP d.o.o. Vareš ili neka druga nadležna institucija nije uputila MZ odnosno mještanima obavještenje da je voda neispravna, te da se ne koristi za piće? Da li je šta poduzeto po pitanju naprijed navedenog, odnosno da li je voda trenutno ispravna i ukoliko nije kakvi su slijedeći koraci? Pitanje upućeno nadležnoj službi, odnosno JKP d.o.o. Vareš.
7. Da li postoji mogućnost, da se ispred zgrada koje posjeduju prostor za parkiranje, izvrši obilježavanje parking mjesta za stanare koji žive u tim zgradama, uz određenu simboličnu mjesečnu naknadu? Pitanje upućeno nadležnoj službi, odnosno Općinskom načelniku.

#### **Mario Mirčić**

8. Ispred jednog dijela stanara objekta O-4 postavio je pitanje: Traži da se ispita postoji li štetnost po zdravlje stanara O-4 objekta i stanara susjednih zgrada zbog postavljanja antenskog odašiljača na spomenuti objekat? Traži pismeni odgovor.

#### **Ismet Abdulahović**

9. Traži da se riješi problem u vezi greblja u MZ Dabravine, 40-50 porodica nema gdje da se kopa? Napominje da je pitanje postavljano više puta i traži pismeni odgovor od Službe za prostorno uređenje i obnovu..
10. Ispred građana MZ Neprivaj postavio je pitanje: Da li postoji mogućnost sanacije lokalnog puta Dabravine –Neprivaj prije snijega? Traži pismeni odgovor.

Predsjedavajući OV stavio je na raspravu Zapisnik sa 11. sjednice OV.

Za riječ se javio vijećnik Đemo Kevrić koji je izjavio da nema primjedbi na Zapisnik sa 11. sjednice OV, ali u skladu sa Poslovníkom o radu OV traži dopunu Zapisnika sa stenogramom 9. tačke dnevnog reda 11. sjednice OV „Izvještaj/Izvješće o izvršenju budžeta/proračuna Općine Vareš za period januar/siječanj-juni/lipanj 2013. godine, koji bi bio sastavni dio Zapisnika, te da se stenogram u pisanoj formi dostavi svim vijećnicima za 13. sjednicu OV.

Predsjedavajući OV je izjavio da se prijedlog vijećnika Đeme Kevrić prihvata i da će se postupiti po istom.

Nije više bilo primjedbi i predsjedavajući OV stavio je na izjašnjavanje Zapisnik sa 11. sjednice OV sa prihvaćenom dopunom, te nakon izjašnjavanja vijećnika konstatuje da je **Zapisnik sa 11. sjednice OV jednoglasno usvojen.**

Predsjedavajući OV stavio je na raspravu prijedlog dnevnog reda za 12. sjednicu OV.

Nije bilo primjedbi i predsjedavajući OV stavio je na izjašnjavanje prijedlog dnevnog reda za 12. sjednicu OV, te nakon izjašnjavanja vijećnika konstatuje da je **jednoglasno usvojen s l i j e d e ć i**

#### *D n e v n i r e d*

1. **Prijedlog Odluke o subvencioniranju troškova prijevoza učenika MSŠ „Nordbat – 2“.**
2. **Prijedlog Odluke o kriterijima za subvencioniranje troškova prijevoza učenika MSŠ „Nordbat–2“.**
3. **Prijedlog Odluke o izmjeni Odluke o općinskim komunalnim taksama-Prečišćeni tekst.**
4. **Prijedlog Rješenja o stavljanju van snage Rješenja o imenovanju člana Općinske izborne komisije Vareš.**
5. **Izvještaj o aktivnostima u poljoprivrednoj proizvodnji na području općine Vareš za 2013. godinu.**
6. **Završni Izvještaj o provođenju trogodišnjeg Općinskog akcionog plana za kontinuirano unapređenje Općinske uprave i pružanje usluga u saradnji s Projektom upravne odgovornosti.**
7. **Izvještaj o provođenju Odluke o komunalnom redu općine Vareš za 2012. godinu.**
8. **Informacija o stanju napajanja električnom energijom na području općine Vareš i mjerama na poboljšanju iste.**
9. **Informacija o realizaciji projekata infrastrukture na području općine Vareš za 2013. godinu.**
10. **Tekuća pitanja.**

## Ad. 1.

*(Prijedlog Odluke o subvencioniranju troškova prijevoza učenika MSS „Nordbat-2.“)*

Komisija za statutarna pitanja i propise, na 9. sjednici održanoj 22.10.2013. godine jednoglasno je donijela slijedeći

### Zaključak:

- **Komisija za statutarna pitanja i propise predlaže da se u članu 1. Prijedloga Odluke o subvencioniranju troškova prijevoza učenika MSS „Nordbat-2“ iza riječi „kategorije“ brišu riječi „i uvjeti“, te je upućuje Općinskom vijeću na razmatranje.**

Predlagač je prihvatio prijedlog Komisije.

Otvorena je rasprava u kojoj su svoje primjedbe, prijedloge, sugestije i mišljenja iznijeli:

Vijećnica Mahira Brkić koja je predložila izmjenu člana 1., te da član 1. glasi: „Ovom Odlukom utvrđuju se kategorije učenika vozara koji bi imali pravo na subvencioniranje plaćanja mjesečne karte od strane Općine Vareš“.

Vijećnik Mario Mirčić predložio je da član 1. glasi: „Ovom Odlukom utvrđuje se da će Općina Vareš vršiti subvencioniranje troškova prijevoza učenika vozara MSS „Nordbat-2“, te da član 2. glasi: „Pravo na subvencioniranje troškova prijevoza-plaćanja mjesečne karte u iznosu od 30% od ukupne cijene mjesečne karte ostvarit će učenici vozari koji ispunjavaju uvjete definirane Odlukom o kriterijima za subvencioniranje troškova prijevoza učenika vozara MSS „Nordbat-2“.“

Vijećnik Almir Ciriković predložio je da se u Odluci ne navodi naziv škole MSS „Nordbat-2“, nego da u Odluci stoji „učenici vozari srednjih škola“, kako bi pravo na subvencioniranje ostvarili učenici općine Vareš koji se školuju u drugim srednjim školama.

U daljnjoj raspravi su učestvovali vijećnici Elvir Rožajac, Tajiba Brkić, Ismet Abdulahović i predsjedavajući OV Zdravko Marošević.

Pomoćnik načelnika Rusmir Berberović, na osnovu iznesenih prijedloga vijećnice Mahire Brkić i vijećnika Maria Mirčić izjavio je da ovlašteni predlagač prihvata prijedloge za izmjenu člana 1. i člana 2. koji glase:

- **član 1. „Ovom Odlukom utvrđuje se da će Općina Vareš vršiti subvencioniranje troškova prijevoza učenika vozara MSS „Nordbat-2“ i**
- **član 2. „Pravo na subvencioniranje troškova prijevoza-plaćanja mjesečne karte u iznosu od 30% od ukupne cijene mjesečne karte ostvarit će učenici vozari koji ispunjavaju uvjete definirane Odlukom o kriterijima za subvencioniranje troškova prijevoza učenika vozara MSS „Nordbat-2“**

U vezi iznesene sugestije vijećnika Almira Ciriković izjavio je da se ne može prihvatiti, o čemu je dao obrazloženje.

Zaključena je rasprava i predsjedavajući OV stavio je na izjašnjavaње Prijedlog Odluke o subvencioniranju troškova prijevoza učenika MSS „Nordbat-2“ uz prihvaćene amandmane u članu 1. i članu 2., te nakon izjašnjavaња vijećnika konstatuje da je **jednoglasno usvojena**

*Odluka o subvencioniranju troškova prijevoza učenika MSS „Nordbat-2“.*

## Ad.2.

### *(Prijedlog Odluke o kriterijima za subvencioniranje troškova prijevoza učenika MSS „Nordbat-2“)*

Komisija za statutarna pitanja i propise, na 9. sjednici održanoj 22.10.2013. godine jednoglasno je donijela slijedeći

#### **Zaključak:**

- **Komisija za statutarna pitanja i propise predlaže da se u Prijedlogu Odluke o kriterijima za subvencioniranje troškova prijevoza učenika MSS „Nordbat-2“ umjesto rimskih oznaka kojim su označeni članovi u tekstu, navedu arapskim, odnosno da se piše član 1., član 2., pa do zadnjeg., i da se u članu 1. riječi „Socijalno-ekonomske situacije prijavljenih učenika, mijenjaju sa riječima „socijalno-ekonomskog statusa i invalidnosti učenika, te je upućuje Općinskom vijeću na usvajanje.**

Predlagач je prihvatio prijedloge Komisije.

Otvorena je rasprava u kojoj su svoje prijedloge, primjedbe, sugestije i mišljenja iznijeli:

Vijećnica Mahira Brkić predložila je novi član 5. (ostali se numerički pomjeraju) koji glasi: „Po osnovu broja članova domaćinstva a na osnovu kućne liste iz člana 2. kako slijedi: a) učenik koji dolazi iz domaćinstva koje broji do četiri člana -5 bodova, b) učenik koji dolazi iz domaćinstva koje broji od pet do šest članova-8 bodova, c) učenik koji dolazi iz domaćinstva koje broji preko šest članova-10 bodova.“

Vijećnik Mario Mirčić je predložio da član 1. glasi: „Lista kandidata za dodjelu subvencije prijevoza učenika bit će sačinjena na osnovu socijalno-ekonomskog statusa i stupnja invaliditeta prijavljenih učenika.“. U članu 2. iza riječi „Bodovanje“ da se dodaju riječi „socijalno-ekonomskog statusa“ i pod tačkom a) da se uradi tehnička ispravka, umjesto oznake „km“ staviti oznaku „KM“. Član 3. da glasi: „Bodovanje stupnja invaliditeta učenika će se izvršiti prema slijedećem:“, te da se u članu 3. u tačkama a), b) i c) riječi „tjelesnog oštećenja mijenjaju sa riječima „invaliditeta“

Vijećnik Đemo Kevrić predložio je da se u članu 2. doda tačka e) koja glasi: ukoliko ima dva učenika iz jedne porodice da idu u srednju školu, da se učeniku starijeg razreda omogući besplatan prijevoz“

Pomoćnik načelnika Rusmir Berberović izjavio je da ovlaštenu predlagач prihvata slijedeće:

- prijedlog Komisije kojim **član 1. glasi „Lista kandidata za dodjelu subvencije prijevoza učenika bit će sačinjena na osnovu Socijalno-ekonomskog statusa i invalidnosti učenika“**
- prijedlog vijećnika Marija Mirčić koji se odnosi na dopunu **člana 2. da se iz riječi „Bodovanje“ dodaju riječi „Socijalno-ekonomskog statusa“, te da se u članu 3. riječi „tjelesnog oštećenja“ zamijene sa riječima „invaliditeta“.**
- prijedlog vijećnice Mahire Brkić da se doda novi **član 5. koji glasi: „ Po osnovu broja članova domaćinstva a na osnovu kućne liste iz člana 2. kako slijede:**
  - a) učenik koji dolazi iz domaćinstva koje broji do četiri člana – 5 bodova**
  - b) učenik koji dolazi iz domaćinstva koje broji od pet do šest članova – 8 bodova**
  - c) učenik koji dolazi iz domaćinstva koje broji preko šest članova – 10 bodova**Dosadašnji član 5. postaje član 6, a dosadašnji član 6. postaje član 7.
- o prijedlogu vijećnika Đeme Kevrić dao je pojašnjenje i izjavio da ovlaštenu predlagач prihvata da se u **postojećem članu 5. dodaju riječi „-učenik iz domaćinstva gdje su dva ili više učenika vozari“.**

Rusmir Berberović pomoćnik načelnika dao je određene odgovore na iznesene sugestije vijećnika u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o kriterijima za subvencioniranje troškova prijevoza učenika MSŠ „Nordbat-2“ sa amandmanima koje je prihvatio ovlašteni predlađač.

Nakon izjašnjavanja vijećnika predsjedavajući OV konstatuje da je **jednoglasno usvojena**

***Odluka o kriterijima za subvencioniranje  
troškova prijevoza učenika MSŠ „Nordbat-2“.***

**Ad. 3.**

*(Prijedlog Odluke o izmjeni Odluke  
o općinskim komunalnim taksama-Prečišćeni tekst.)*

Komisija za statutarna pitanja i propise na 9. sjednici održanoj 22.10.2013. godine jednoglasno je donijela slijedeći

**Zaključak:**

- **Komisija za statutarna pitanja i propise nema primjedbi na predloženi Prijedlog Odluke o izmjeni Odluke o općinskim komunalnim taksama-Prečišćeni tekst, te je upućuje Općinskom vijeću na usvajanje.**

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Nikola Šimić, Zdravko Barkić, Đemo Kevrić, Mario Mirčić, predsjedavajući OV Zdravko Marošević i direktorica Porezne uprave Vareš Fahra Čatović koja je dala dodatno obrazloženje za ovu tačku dnevnog reda i na traženje vijećnika Nikole Šimić dala je i pojašnjenje tarifnog broja 4., te naglasila da je razlog za donošenje ove Odluke Presuda Ustavnog suda, od 22.04.2013. godine, kojom je proglašena neustavnim dio Odluke o općinskim komunalnim taksama koji se odnosi na tarifni broj 4.

Vijećnik Zdravko Barkić u svom obraćanju predložio je da se Odluka vrati na doradu o čemu je dao i obrazloženje.

Predsjedavajući OV dao je pauzu u trajanju deset minuta radi konsultacija i dogovora.

Nastavljeno je sa radom današnje sjednice.

Za riječ se javio Općinski načelnik Kovačević Avdija koji je u svom obraćanju, a na osnovu dogovora u toku pauze predložio slijedeći:

**Zaključak:**

- **Odgada se izjašnjavanje za narednu sjednicu Vijeća o tački 3. dnevnog reda 11. sjednice OV „ Prijedlog Odluke o izmjeni Odluke o komunalnim taksama-Prečišćeni tekst.**

- **Zadužuje se Jedinostveni općinski organ (Služba za privredu i finansije, uz pomoć Porezne uprave Vareš i Općinskog načelnika) da u roku ne dužem od 15 dana organizuje sastanak sa privrednicima općine Vareš na kome će se izvršiti cjelovit pretres Odluke o izmjeni Odluke o komunalnim taksama-Prečišćeni tekst, da se na vrijeme i blagovremeno upute pozivi svim privrednicima i svim zainteresovanim licima koji će biti obavezni po navedenoj Odluci plaćati taksu Jedinostvenom općinskom organu.**

**- Ukoliko bi eventualno došlo do određenih izmjena i dopuna ili možda do određenih diferencijacija unutar Odluke, da to sve ne ide na teret budžeta, odnosno na teret smanjenja postojećih planiranih sredstava po osnovu ostvarivanja prihoda iz komunalnih taksi, što bi negativno uticalo na budžet.**

Također je naglasio da je Općina Vareš u obavezi da Ustavni sud obavijesti o izvršenim izmjenama i dopunama Odluke o općinskom komunalnim taksama.

Predsjedavajući OV stavio je na izjašnjavanje predloženi Zaključak, te nakon izjašnjavanja vijećnika konstatuje da je Zaključak **jednoglasno usvojen**.

#### **Ad. 4.**

*(Prijedlog Rješenja o stavljanju van snage Rješenja o imenovanju člana Općinske izborne komisije Vareš.)*

Otvorena je rasprava u kojoj su svoje primjedbe, prijedloge, sugestije i mišljenja iznijeli vijećnici: Mahira Brkić, Zdravko Barkić, Safeta Muftić, Mario Mirčić, Boško Andrić ispred Komisije za izbor i imenovanje koji je dao neka pojašnjenja, Kenan Kamenjaš, Elvir Rožajac, Ismet Abdulahović, sekretar OV Leon Pavlović, predsjedavajući OV Zdravko Marošević i Općinski načelnik Kovačević Avdija.

Predsjedavajući OV je na osnovu diskusije i prijedloga u raspravi, te na osnovu Rješenja CIK-e, broj: 06-1-07-1-306/13 od 10.10.2013. godine, predložio slijedeći

#### **Zaključak:**

- **Stavlja se van snage Rješenje o imenovanju člana Općinske izborne komisije Vareš broj. 01-269/13 od 26.09.2013. godine i zadužuje se Stručna služba Općinskog vijeća da stupi u kontakt sa Centralnom izbornom komisijom Bosne i Hercegovine, obavijesti ih da je drugorangirani kandidat, koji je bio u procesu, odustao od daljnje procedure, te da zatraži mišljenje o daljnjem postupku.**

Nakon izjašnjavanja vijećnika predsjedavajući OV konstatuje da je **jednoglasno usvojen** predloženi Zaključak i

***Rješenje o stavljanju van snage Rješenja o imenovanju člana Općinske izborne komisije.***

#### **Ad. 5.**

*( Izvještaj o aktivnostima u poljoprivrednoj proizvodnji na području općine Vareš za 2013. godinu.)*

Predlagač nije imao dodatno obrazloženje za ovu tačku dnevnog reda.

Otvorena je rasprava u kojoj su svoje prijedloge, sugestije i mišljenja iznijeli vijećnici: Elvir Rožajac, Safeta Muftić, Boško Andrić, Tajiba Brkić, Jasmin Salketić, predsjedavajući OV Zdravko Marošević i ispred Službe za privredu i finansije Dragan Orozović koji je dao dodatna pojašnjenja i odgovorio na pitanja postavljena u raspravi.

Zaključena je rasprava i predsjedavajući OV stavio je na izjašnjavanje Izvještaj o aktivnostima u poljoprivrednoj proizvodnji na području općine Vareš za 2013. godinu.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izvještaj o aktivnostima u poljoprivrednoj  
proizvodnji na području općine Vareš za 2013. godinu.***

**Ad.6.**

*(Završni izvještaj o provođenju trogodišnjeg Općinskog akcijskog  
plana za kontinuirano unapređenje općinske uprave  
i pružanje usluga u saradnji s Projektom upravne odgovornosti.)*

Nije bilo rasprave po ovoj tački dnevnog reda.

Predsjedavajući OV stavio je na izjašnjavanje Završni izvještaj o provođenju trogodišnjeg Općinskog akcijskog plana za kontinuirano unapređenje općinske uprave i pružanje usluga u saradnji s Projektom upravne odgovornosti.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Završni izvještaj o provođenju trogodišnjeg Općinskog akcijskog  
plana za kontinuirano unapređenje općinske uprave  
i pružanje usluga u saradnji s Projektom upravne odgovornosti.***

Predsjedavajući OV dao je pauzu u trajanju od 20 minuta.

Nastavljeno je sa radom današnje sjednice.

**Ad. 7.**

*(Izvještaj o provođenju Odluke o  
komunalnom redu Općine Vareš u 2012. godini.)*

Otvorena je rasprava u kojoj su svoje prijedloge, primjedbe i mišljenja iznijeli vijećnici: Elvir Rožajac, Zdravko Barkić i predsjedavajući OV Zdravko Marošević.

Zaključena je rasprava i predsjedavajući OV uputio je sugestiju Općinskom načelniku, Vijeću i nadležnim Službama da se mora pristupiti pojačanoj kontroli u održavanju čistoće grada.

Predsjedavajući OV stavio je na izjašnjavanje Izvještaj o provođenju Odluke o komunalnom redu Općine Vareš u 2012. godini.

Nakon izjašnjavanja vijećnika predsjedavajući OV konstatuje da je **jednoglasno usvojen**

***Izvještaj o provođenju Odluke o  
komunalnom redu Općine Vareš u 2012. godini.***



## **Ad.8.**

*( Informacija o stanju napajanja električnom energijom  
na području općine Vareš i mjerama na poboljšanju iste.)*

Predsjedavajući OV upoznao je prisutne sa dopisom predstavnika JP Elektroprivreda HB PJ Elektro Vareš gosp. Tome Lučića u kome obavještava Vijeće da neće prisustvovati današnjoj sjednici iz opravdanih razloga. Predsjedavajući OV konstatovao je da na današnjoj sjednici nije prisutan predstavnik JP Elektroprivreda PJ Vareš.

Otvorena je rasprava u kojoj su svoje prijedloge, primjedbe i mišljenja iznijeli vijećnici: Elvir Rožajac, Mario Mirčić, Đemo Kevrić, Nikola Šimić i predsjedavajući OV Zdravko Marošević koji je predložio da nadležne Službe zatraže dodatno pojašnjenje od nadležnog JP Elektrodistribucija Vareš u kome će dati odgovore na postavljena pitanja vijećnika u raspravi koja se odnose na kratkotrajne prekide električne energije u MZ Ravne, Pržiči, Daštansko, rekonstrukciju NNM u MZ Striježevo, projekat elektrifikacije Osredka, Kopjara i Mrestilišta, prokres drveća prije zime i sl.

Predsjedavajući OV stavio je na izjašnjavanje Informaciju o stanju napajanja električnom energijom na području općine Vareš i mjerama na poboljšanju iste.

Nakon izjašnjavanja vijećnika predsjedavajući OV konstatuje da je **jednoglasno usvojena**

*Informacija o stanju napajanja električnom energijom  
na području općine Vareš i mjerama na poboljšanju iste.*

## **Ad. 9.**

*(Informacija o realizaciji projekata infrastrukture  
na području općine Vareš u 2013. godini.)*

Otvorena je rasprava u kojoj su svoje prijedloge, primjedbe, sugestije i mišljenja iznijeli vijećnici: Mario Mirčić, Đemo Kevrić, Mahira Brkić, Elvir Rožajac, Zdravko Barkić, predsjedavajući OV Zdravko Marošević i Općinski načelnik Kovačević Avdija.

U raspravi po ovoj tački dnevnog reda, većina vijećnika je stava da Informacija treba sadržavati više podataka, da se trebaju navesti podaci u vezi projekata koji nisu realizovani i sl., te ukazali na određene probleme u pojedinim mjesnim zajednicama po pitanju infrastrukture.

Općinski načelnik Kovačević Avdija u svom obraćanju dao je dodatna pojašnjenja, odgovorio na neka pitanja vijećnika postavljena u raspravi, upoznao prisutne o planiranim projektima, te izvijestio Vijeće da će ova Informacija biti sadržajnija, ali u formi Izvještaja kada će biti razmatrana i usvajana, krajem tekuće godine ili u prvom kvartalu naredne godine, kao sastavni dio Izvještaja o radu organa uprave Općine Vareš za 2013. godinu.

Zaključena je rasprava i predsjedavajući OV stavio je na izjašnjavanje Informaciju o realizaciji projekata infrastrukture na području općine vareš u 2013. godini.

Nakon izjašnjavanja vijećnika predsjedavajući OV konstatuje da je **jednoglasno usvojena**

*Informacija o realizaciji projekata infrastrukture  
na području općine Vareš u 2013. godini*

## **Ad. 10.**

*(Tekuća pitanja.)*

1. Predsjedavajući OV upoznao je Vijeće sa Inicijativom Općinskog načelnika za donošenje Odluke o osnivanju poljoprivredno resursnog centra kao nosioca provedbe projekta javno-privatnog partnerstva, koji se temelji na suvlasničkom odnosu javnog i privatnog partnera.

Predsjedavajući OV je konstatovao da je Inicijativa utemeljena u Strategiji razvoja poljoprivrede Općine Vareš (2014-2018), te na osnovu Inicijative predložio slijedeći

### **Zaključak:**

1. Prihvata se Inicijativa Općinskog načelnika da se pristupi izradi Odluke o osnivanju poljoprivredno resursnog centra kao nosioca provedbe projekta javno-privatnog partnerstva, koji se temelji na suvlasničkom odnosu javnog i privatnog partnera.
2. Zadužuje se Općinski načelnik i nadležna Služba da sačini Prijedlog Odluke i isti dostavi Vijeću na razmatranje.

Općinski načelnik Kovačević Avdija dao je pojašnjenje u vezi Inicijative, te uz izneseno obrazloženje predložio dopunu predloženog Zaključka koja glasi:

3. Zadužuje se Općinski načelnik i Služba za privredu i finansije, da u kontekstu provođenja sveukupne procedure do utvrđivanja prijedloga za razvoj poljoprivredne proizvodnje, zajedno sa saradnicima za poljoprivredu koji su učestvovali u donošenju ovog dokumenta, sazovu i sastanu se sa svim poljoprivrednicima općine Vareš, da se još jednom kroz usvojenu Inicijativu, pruži šansa i eventualno drugim licima koji bi se pojavili kao samostalni potencijalni investitori ili kao neka vrsta ortačkih grupa, da im se u skladu sa Strategijom razvoja poljoprivrede, omogući da i oni eventualno investiraju i da prave određene ili slične uslužne centre.

Predsjedavajući OV stavio je na izjašnjavanje slijedeći

### **Zaključak:**

- 1. Prihvata se Inicijativa Općinskog načelnika da se pristupi izradi Odluke o osnivanju poljoprivredno resursnog centra kao nosioca provedbe projekta javno-privatnog partnerstva, koji se temelji na suvlasničkom odnosu javnog i privatnog partnera.**
- 2. Zadužuje se Općinski načelnik i nadležna Služba da sačini Prijedlog Odluke i isti dostavi Vijeću na razmatranje.**
- 3. Zadužuje se Općinski načelnik i Služba za privredu i finansije, da u kontekstu provođenja sveukupne procedure do utvrđivanja prijedloga za razvoj poljoprivredne proizvodnje, zajedno sa saradnicima za poljoprivredu koji su učestvovali u donošenju ovog dokumenta, sazovu i sastanu se sa svim poljoprivrednicima općine Vareš, da se još jednom kroz usvojenu Inicijativu, pruži šansa i eventualno drugim licima koji bi se pojavili kao samostalni potencijalni investitori ili kao neka vrsta ortačkih grupa, da im se u skladu sa Strategijom razvoja poljoprivrede, omogući da i oni eventualno investiraju i da prave određene ili slične uslužne centre.**

Nakon izjašnjavanja vijećnika predsjedavajući OV konstatuje da je **jednoglasno usvojen** predloženi Zaključak i

***Inicijativa za donošenje Odluke o osnivanju poljoprivredno resursnog centra kao nosioca provedbe projekta javno-privatnog partnerstva, koji se temelji na suvlasničkom odnosu javnog i privatnog partnerstva.***

2. Predsjedavajući OV upoznao je Vijeće sa ponovnim dopisom Bešlija Kose iz Dabravina u vezi potraživanja zemljišta.

Predsjedavajući OV je na osnovu dopisa Službe za prostorno uređenje i obnovu i dodatnih informacija, a u vezi Zahtjeva Bešlija Kose predložio i stavio na izjašnjavanje slijedeći

**Zaključak:**

- **Zadužuje se nadležna Služba da uputi odgovor na dopis Bešlija Kosa, Dabravine u kome će biti obaviještena da svoja prava ostvari sudskim sporom, jer na osnovu podataka kojima raspolaže nadležna Služba, njen zahtjev je neosnovan.**

Nakon izjašnjavanja vijećnika predsjedavajući OV konstatuje da je predloženi **Zaključak jednoglasno usvojen.**

3. Predsjedavajući OV upoznao je Vijeće sa molbom stanara/vozača 20-obiteljskih zgrada, Vareš u vezi problema parking prostora ispred navedenog objekta.

Predsjedavajući OV je konstatovao da se odgovor na ovu molbu ne može dostaviti, jer nije potpisana, te je na osnovu usmene informacije od strane Službe za prostorno uređenje i obnovu izvijestio da je problem u vezi parkinga riješen.

4. Leon Pavlović kao predsjednik PKLS Vareš dao je kratku informaciju o procesu popisa stanovništva, domaćinstva i stanova u BIH na području općine Vareš, te se u ime Popisne komisije za popis zahvalio svima koji su učestvovali u proceduri popisa.

Predsjedavajući OV je u svojstvu predsjednika MZ Vijaka i predsjednika Hrvatske demokratske zajednice dao komentar u vezi popisa stanovništva, te izvijestio prisutne da je ispred mjesne zajednice i stranke HDZ upućen dopis na određene adrese u kome su navedene određene neregularnosti koje su se dešavale na terenu a sve po uputama Federalnog zavoda za statistiku.

5. Zamjenica predsjedavajućeg OV Mahira Brkić postavila je Općinskom načelniku lično pitanje, a u vezi javno iznesene konstatacije na prošloj sjednici OV od strane Općinskog načelnika: Da li je Mahira Brkić tražila od Vas bilo kakvu uslugu koja je bila na rubu Zakona?

U raspravi su učestvovali Općinski načelnik i zamjenica predsjedavajućeg OV Mahira Brkić u kojoj je na kraju diskusije Općinski načelnik na postavljeno pitanje dao odgovor da nije tražila nezakonitu uslugu.

6. Vijećnik Nikola Šimić iznio je problem sa kojim se susreću mnoge osobe prilikom potraživanja CIPS-ovih dokumenata, a vezano za nazive mjesta koje imaju prefikse (Donja, Gornja, Kraljeva i sl.), te u vezi s tim uputio pitanje Vijeću i nadležnoj Službi da li se može učiniti što da se pomogne tim ljudima, u smislu da se pokrene Inicijativa da se usklade nazivi naseljenih mjesta u CIPS-ovim dokumentima sa nazivima iz Statuta općine Vareš.

Pomoćnik načelnika Čedomir Jelić javio se za riječ i dao odgovor vijećniku Nikoli Šimić da se radi o pojedinačnim slučajevima, odnosno problemima i da se oni trebaju pojedinačno rješavati. Nadležna Služba takve probleme pojedinačno rješava u skladu sa Zakonom o matičnim knjigama i Upustom o vođenju matičnih knjiga i samo se tako ti problemi mogu riješiti.

7. Predsjedavajući OV Zdravko Marošević uputio je pitanje Općinskom načelniku u vezi održavanja regionalnog puta prema Odvoju (dio makadamskog puta) u smislu da se uputi zvanični dopis firmi koja održava te puteve, da se pristupi radovima na sanaciji tog dijela puta za zimski period.

Općinski načelnik dao je odgovor u kome ja izvijestio da su nadležni nekoliko puta obaviješteni i da su odobrena sredstva i dogovoreni radovi.

8. Vijećnik Ismet Abdulahović zatražio je od Općinskog načelnika da informiše Vijeće i javnost o aktivnostima u vezi osnivanja JP „ŠPD Šumarstvo“ Vareš i Olovo i da li ima uticaja na to usvojeni kantonalni zakona o šumama.

Općinski načelnik je dao odgovor u kome je izvijestio prisutne da se ubrzo očekuje formiranje JP ŠPD Šumarstvo Vareš i Olovo.

9. Vijećnik Elvir Rožajac iznio je problem u vezi pasa lualica u gradu, te izjavio da se sa druge općine, psi lualice dovlače i ostavljaju u našoj općini.

Predsjedavajući OV je konstatovao da je nadležna Služba primila informaciju k znanju i da će reagovati prema nadležnih institucijama..

Općinski načelnik Kovačević Avdija dao je komentar na izlaganje vijećnika Elvira Rožajac i uputio apel svim građanima koji primijete da određena lica dovlače i ostavljaju pse, da to prijave nadležnim.

Predsjedavajući OV zahvalio se svima na radu današnje sjednice.

Sastavni dio ovog Zapisnika je audio zapis sjednice.

Sjednica je završena u 20,35 sati.

***SEKRETAR***

**Leon Pavlović**

***ZAPISNIČAR***

**Azra Ibrahimović**

***PREDSJEDAVALJUĆI***

**Zdravko Marošević**